

Muhammad al-Xorazmiy nomidagi Toshkent axborot texnologiyalari universitetida axborot kommunikatsiya texnologiyalarining imkoniyatlari va tadbiqiga bag'ishlangan "**International Conference on Information Science and Communications Technologies: Applications, Trends and Opportunities - ICISCT2020**" xalqaro ilmiy-texnik onlayn konferensiysi o'z ishini boshladi.

Konferensiya Xalqaro Elektronika va Elektrotexnika Muxandislari instituti (IEEE) bilan hamkorlikda TATU va uning Samarqand filialida o'tkazilmoqda. Konferensiyada AQSh, Kanada, Saudiya Arabistoni, Janubiy Koreya, Hindiston, Malayziya, Xitoy Xalq Respublikasi kabi dunyoning 20 dan ortiq mamlakatlaridan ilg'or oliy ta'lif muassasalari va ilmiy tadqiqot markazlarining yetakchi olimlari, tadqiqotchilari va izlanuvchilari ishtirok etmoqda.

Konferensianing asosiy maqsadi – axborot kommunikatsiya texnologiyalari sohasida ilmiy tadqiqotlarini amalga oshirayotgan olimlar va izlanuvchilarni ilmiy tadqiqot natijalarini muhokama qilish, o'zaro bilim almashinish va kelgusi tadqiqotlar yo'naliishlarini belgilash bo'yicha fikrlar almashinish hisoblanadi.

Konferensianing tadqiqot yo'naliishlari bo'yicha tashkil etilgan sho'balari ertaga 5-noyabr kuni ham o'z ishini davom ettiradi.

Konferensianing 6-noyabrga mo'ljallangan dasturi doirasida xorijiy professorlar TATU va uning filiallari yosh olimlari, magistrant va doktorantlariga zamonaviy texnologiyalar va ular ustida tadqiqotlar bo'yicha seminar-treninglar o'tkazish rejalashtirilgan.

Ushbu onlayn konferensiyada ko'tariladigan masalalar axborot kommunikatsiya sohasida vujudga kelayotgan muhim masalalarni yechishda, ilg'or texnologiyalarni jamiyatimizga tadbiq etilishi hamda mutaxassislar o'rtasida bilim va tajriba almashinish uchun katta tajriba maydonchasi bo'ladi.

TATU matbuot xizmati